

仿

潛

齋

詩

鈔

仿潛齋詩鈔卷五

乞假集

光州 李嘉樂 憲之

和董研秋師秋懷八首原韻

浮生若大夢夢詎分短長感此鬱遠志欲爭日月光
馳驅三十載撫躬仍故常譬彼蟄穴蟲終望回春陽
風緊草木變宵深霜露滴寒暑相遞更誰能靜面壁仰
觀白雲蒼俯視滄海碧茫茫萬古懷恨天難補石
憶自束髮初便識窮通數丈夫貴乘時烏能囿細故胸
臆真氣蟠思向帝座訴白日不可追馳返扶桑樹
投筆出門去非日利祿求仗策獻軍府礪刃滅寇讐操

術兼迂謬中懷多煩憂躑躅漢江濱沙場陰雨秋
失意返鄉里家居無險巇舊軒讀我書冥心還析疑默
參盈虛理養氣培厥基願效松與柏相忘歲寒時
饑驅長安道浮名計已非何期鶴鶚羽境與心相違攜
業無所往敢謂知音稀試上黃金臺太息古風微
幸哉覲我師拔茹若恐後頃刻判雲泥沆瀣相契久嘘
植及草萊雕飾忘木朽立雪快論詩末議參可否
俯仰春風座欣依桃李陰豈復有狂態爲效宋玉吟所
憶平生遇根觸成秋心感恩託和什受益請自今

讀吳梅村集書後

論定詩人已蓋棺草閒偷活句辛酸幸無降表生猶愧
累到浮名死亦難誰諒衰親多白髮可憐後事欠黃冠
哀江南賦堪同調把卷秋宵不忍看

題周肖仙水部

麟圖

聽秋館詩彙

自來工部例工詩顧曲聰明更可知驢背耽吟嘔血句
虎牙苦憶戴頭詩

武昌初陷君以難裔自賊中來

備嘗春夢遊蹤幻愁

聽秋聲落葉遲傾蓋惜交公瑾晚飲醪恰慰舊相思

赴庶常館上學

昭代重經生村塾荒學殖士自田閒來崇朝得通籍入
選翰林官儲相香案側朝章素寡聞院體難合格特簡

大教習藉爲真準的俾雅頌承平俾束躬謹飭旣足端
始進庶可成碩德誼吉盡升堂敬侍元老席教習爲瑞芝生朱桐
軒兩四拜儀免半一卷字標赤感茲造就仁勉受身心
師相益莫倚淵源尊而忘陶鈞力藹藹多吉士瞿瞿各盡職

八月初二日乞假出都

韓魏公開畫錦堂自期晚節菊花香夜行衣繡尋常甚
恥把科名耀一鄉

泥金帖早附家書未老雙親正倚闥初改詞林無職掌
歸心如已到吾廬

方登瀛遽受恩新秋向農曹領俸銀計買高車貲已足

更無駟馬嚇鄉鄰

孝廉船半滯都京應有孤寒羨此行我亦去年愁過夏
青衫淚又爲人傾

抵松林店張少琳太史

懷恩

之僕夫託故不行

三人同行時雖暫

少琳赴保定吳春舫赴東鹿均同行

共話鄉情頗不厭

輪鐵衝泥過涿州南十八里松林店僕痛馬瘡絕可憐

御者途窮窮斯濫意欲索錢口不言怒罵聲如虬虎闐

我輩關河險備嘗近方珥筆遊鼃禁料汝不過廝養卒

那能摹倣角巾墊攘臂敢欺客無能庸知法有三尺劍

飛書爲報涿州官黑索拘之猶氣焰車馬盡歸胥吏手

恐被侵漁無左驗欺人亦復受人欺世事循環總遺憾
旅舍踟躕爲少留予亦因之弛負擔我車知警明日行
吟懷稍喜村沽醪

發保陽

平生爲客慣遑惜路迢迢馬足增秋感雞聲夢早朝長
安紅日近親舍白雲遙幸是還家去休辭髀肉消

臨洛關道中苦雨

客春北上沙飛雨晴日燠人旱不止今秋南返雨流沙
官道縱橫惟積水迂行村徑益彎環時復迷途墮荷葦
雙簾負荷頗足矜竟日遷延數十里行者躑躅道路難

居者苦勞生怨訴盡力溝洫夏后勤平治道塗周官紀
終年晴雨本無奇天事有常人事弛畿南眾流無匯歸
蛟龍亂舞禾黍裏安得治河並治塗雄關南北平如砥
田夫待穫正祈晴又看天際烏雲起

中秋宿淇縣

歷碌單車暮景催玉輪皎潔挂城隈中秋夜月光仍滿
淇水源泉客再來孤館雲開邀素魄長途雨久洗紅埃
故園今夕團圓影少一征人共舉杯

十六日至衛輝府謁學博鄭鼎臣姻丈

相南

書畫誰知老鄭虔恩恩離合動經年河山能壯毫端句

骨肉欣逢眼底緣

實華姪隨其母依外氏居

此日事留他日憶今宵

月比昨宵圓主人北道頻來往苜宿盤開玳瑁筵

汴梁客舍與元禧叔

飲夜談

羈旅先知故里情絮譚容易到三更遊梁枚乘工詞賦

賣藥韓康隱姓名

叔以醫自給

潢水弋山心眷戀吹臺良嶽

氣縱橫阿咸敢詡宗聲振深望窮途阮步兵

發開封

梁園悶坐七日雨孤懷寂寞別無侶汝南秋老天漸晴

又聞銅馬羣嘯聚欲住却憐桑梓遙欲行亦慮萑苻取

車堅馬肥不敢前款段下澤方嘗虜市地烽烟竟首塗

疲羸病喘汗如雨深夜時防賊馬來民寨禦客如禦侮
行不得也啼鵲鵲溺可援乎雜豺虎是誰辦賊司軍符
乃令過客備險阻倘如小白主齊盟不忘今朝難在莒

上蔡縣北有江村水淹驛路旁皆深溝客車弗能
過須以小舟撥載土人倚爲利焉予斥其弊將
訟諸官乃聚舟爲浮橋挾輓以走省勞費無算
過客傾囊日不休土人水底掘深溝扁舟有用車無用
行李都成汎汎鷗

龍鼉烏鵲總橋梁大澤何能陷憤王舴艋編排如略約
意中到處有康莊

聞前途有賊避至西華縣不得入留城外者半日
黃雲鑱響忽停聲清野如斯客乍驚堞雉參差堪救死
轅駒局促仗逃生捷三有日酬心簡借一無能恥背城
日覩守陴兒戲甚聞聲空念亞夫營

抵周家口賊據商水縣買舟乘夜南下

我羈周口賊商水鯨鯢相隔十入里賊中哨馬時時窺
矛浙劍炊險至此申息北門久不開南轅道梗繞東來
艤舟泝流水程便篙師老謀頗有才云必夜行始避賊
舵尾壞雲堆如墨但得二百青銅錢通宵鼓櫂盡吾力
我亟與之前致詞開頭何用幾游移如脫鞬鷹離弦矢

輕舟一放那可追風吹夜浪打雙槳夢裏猶疑寇亦往
平明已行百里遙同舟人慶跋羅網驚魂稍定趣行沽
却與臨難苟免殊入險出險鄉園近淮水一碧玻璃鋪

偶成

皖豫相交路秋郊易落暉淮陰少年惡額上霸才稀羣
盜縱橫甚斯民教養微拊循需牧令莫盡倚軍威

沈邱舟次見官軍所破賊巢歌

一砦高踞淮流上便思力與天下抗狐鳴篝火聊自娛
不知天朝有名將名將者誰出外藩蒙古部落羽林仗
千乘雷動響龍泉萬騎雲屯圍虎帳甘苦常與士卒同

水面投醪軍挾纘中原逐賊如鷹揚轉戰肯將三舍讓
旌旗變色健兒豪簞食壺漿男婦餉大樹將軍不言功
偶一策勦必獻狀津淀曾摧番船堅潢池益見戎機暢
當輪螳臂抑何愚一鼓輒將巢穴喪土堞猶熏礮火紅
過者覩茲想威望野老知客自北至環問我王兵所向
此方引領時雨殷庶與江淮作保障予姑答以率師來
餘劫殘黎各神王威邁范韓賊膽寒事異荆楚王心蕩
憶昔漢陽挾策行誓滅黃巾功獨創詞臣報國仍初衷
私讀陰符心不放奇功信非僥倖成談兵紙上皆虛妄
餘孽跳梁果聚殲吾鄉接壤或無恙南征顯績在旂常

篷底高歌聊自壯

潁州

犇尖踢倒順昌城我始扁舟向此行
夢國毘連百餘里改轅辛苦更南征

宿往流集

聞外方驅賊民間更苦兵劫灰淮浦路軍壘楚人聲
寇退家零落秋深稼老成離鄉逾百里殊有故鄉情

九月初八日到家

半生清約遵庭訓一僕隨行入里門
釋褐敢將車服耀兩端表裏述新恩

吾族遷茲二百年雲仍始著玉堂仙親心不爲浮榮喜
家祭焚香告祖先

妹展宮袍看繡綫弟從闡藝覓金鍼山妻別有心開處

壻亦如翁作翰林

黃新甫岳文
爲乙未館選

親朋招飲醉鄉酣屬望殷勤轉抱慙更有少年同學在
喜聽掌故助清談

謝鄭小齋叅軍

錫綸
書扇

三絕詩書畫今朝更遇君才多偏耐蹇

君室題曰
耐蹇書屋年少

喜論文痛憶紫荆樹

先梅贈兄曾
贊君家讀書

誰題白練裙墨香懷

一握夢繞石牀雲

贈陳澍農

一字徵紱

棘棲鸞鳳復安之吟盡窮愁傲骨支
諸友易遭文字忌百年半屬別離時
怪將殷浩書何恨隱到龐公事可知
尙有城南景佳絕招君同醉酒千卮

謝翰臣兄惠詩箋

洛陽紙貴句誰聯又得君貽十幅箋
五鳳樓高修不得苦將玉楮刻年年

甲子元旦

吹面輕颺漸不寒上元甲子喜開端
雲龍相會全家聚風鶴無驚四境安
文字關心增弟課科名入手博親歡

遙知北闕朝儀盛

恩詔新頒海掾寬

喜周信臣明經

日新

偕李子坦至

濂溪叟與玉溪生道故翻教別緒縈時局艱難甯有定
秀才憂樂豈無情封侯夢冷羊頭爛閱世心傷蝸角爭
握手黃津看逝水是誰攬轡說澄清

贈張柳洲布衣

夜話雨窗寒窮途淚莫彈聲名書畫重身世醉鄉寬蕭
寺逃禪易陽春和曲難

君善歌工書畫
常居普惠寺中

君才頗奇颯休

作布衣看

寄元禧叔時在大梁

琴書飄泊老年華
梁苑風高起暮鴉
家事難歸蘇季子
人才誰薦賈長沙
南遊赤壁原同病
北望黃河亦有涯
快折廣寒宮裏桂
錦衣來看故園花

贈子坦

東去烏江水不波
茅廬風雨動高歌
酒如損友應辭早
詩比奇峯豈厭多
身世浮鷗餘我輩
功名逐鹿問誰何
男兒未了平生事
冷醉閒吟境亦魔

贈信臣

周子今奇士
軍門挾策行
詩成幾近史
憤極欲逃名
兄

仿潛齋詩鈔卷五

九

弟同聽雨

令弟浚臣亮臣相友愛皆能詩

寰區苦用兵春華開滿樹

信臣

舊有春花滿樹我無家句那便說忘情

偕方芷春南湖晚眺卽贈

綠樹彎環護梵宮石橋流水藕花風一觴一詠饒佳景

半郭半村歸寓公南海波回三島遠

湖上有寺名小南海

北窗夢

覺六朝空喜逢招隱方山子同把浮蹤印雪鴻

六月十四日生女

墮地雙珠影去遙

前室吳舉兩子不育

中年望子繼宗祧那知繡

闥方懸帨畢竟崑岡易產瑤生比荷花先十日憂忘萱

草喜連朝商瞿當具宜男相豈賴孤星慰寂寥

送昂軒叔儀赴汴應鄉試

射策阿咸共起居

宗白兄同車往

長途休慼出無車枚鄒文學

游梁日不比蘇秦十上書

吾宗科第極難開
撞破烟樓愧不才
從此一門三戟盛
先將健筆奪秋魁

鄉試榜發元禧叔獲雋

重陽造榜雨風天一騎星馳吉語宣
祖德貽留臻貴顯

寒門科第起聯翩
報慚春草仍游子

叔留汴已數載

詠合霓裳

卽列仙今歲豈惟家運好
無多親戚總同年

吳正齋樾圃舅兄弟

黃枚岑內姪均新領鄉薦

別仿潛齋

書室三閒更有移百年老屋可棲遲
求師課弟曾常住應舉從軍亦暫離
一樹紅椒香院落兩株丹桂豔階墀
玉堂雖好終爲客又到鄉園入夢時

過沙河店佃戶

閒情宜適野到此輒盤桓
雙負黃棉襖兒牽黑牡丹
收糞穀驟辣釀米酒微酸亦解田家好
何年逕挂冠

仿潛齋詩鈔卷六

望雲集

光州 李嘉樂 憲之

九月杪赴都

膝下承歡剛一載五色宮袍當舞綵白華潔膳補笙詩
人子百年終有悔趨庭忽聞訓語嚴催束征裝毋久待
生男日卽祝桑弧茲幸木天備寮采莫教風引三山仙
不願汝爲百里宰長安固喜近龍光卽論游學堪兼采
謹言慎行畢此生樸素家法守模楷翰林事少體面好
恐流簡傲慕蕭灑敬聞莊論矢服膺驟說登程意先駭
雙親年皆五十餘慈顏矍鑠幸未改雷火方燒尾化龍

拍浮敢足手持蟹中心眷戀難致詞竟別庭闈飄宦海
登桂花嶺望光州城郭

揖別弋陽城來陟桂花嶺嶺上多白雲望見親舍影昔
日狄梁公忠孝冠臺省賤子何足稱亦復泛萍梗菽水
樂一簞雞豚列三鼎養志苟有餘貧富皆平等藉口爲
祿仕甘心背鄉井誰與謹抑搔誰與祝噎哽悒悒不自
安蹙蹙靡所騁將去復流連惜此斜陽景

同少舫叔佩北上賦呈

相勉承先志

曾祖校官起家祖與父爲丞尉

願毋卑小官傳家爭氣節

閱世耐寒酸執務神常沮詩書味可餐青春來不再莫

負此彈冠

叔廿二歲
曾捐巡檢

謁中丞張子青師於汝甯府

元戎今遇狀元來
榮戟森嚴埽劫灰

師爲丁未殿撰
駐汝郡辦捻匪

雁例修和見禮虎
貔環侍不凡材
豫軍束伍旌麾壯
汝

水連城幕府開遠
勝威名張萬福江
淮草木漫驚猜

揭竿賊起大河濱

帝韋中州付重臣
下駟何能當上駟
蔡人須念是吾人

投壺令雅軍偏暇
草檄才疎志未伸
猶憶采芹逢拔擢

淵源那敢望傳薪

渡黃河

萬里崑崙達孟門中州土厚少山根濁流奔放田廬密
僅恃遙隄一綫存

自湯陰至彰德作

西塞威名重一韓岳家少保更桓桓時平畫錦開堂易
事急金牌悟主難將相遭逢都命定英雄成敗總心安
重來弔古遊燕趙慷慨高風不厭看

抵都寓米市胡同光州館

舊地居偏慣新交友最良

同寓爲張仲美黃香谷兩拔萃

旅懷甘寂寞

館課苦恩忙因熱才原短消寒日漸長都門風雪裏僻

靜似山莊

原缺

似惜鴛鴦未交頸擾擾塵寰宦與婚迢迢萬里愛君門
求名每苦新婚別難得青年荷主恩玉堂乞假人皆慕
只有隨園名最著昨歲劉郎亦足豪謂劉嗣沂同年桂林始覓
天台路游仙詩好又曹唐南海歸帆奏綠章准備眉齊
青玉案風流腰佩紫羅囊歲歲登龍族將大兄弟翰林
前後輩令兄朗川王戊館選王謝門楣易合歡朱陳嫁娶都如畫
遙知香口語從容前此慚無佐讀功富貴應須致身早
女兒先受五花封

送孫穀庭師

翼謀

以御史出守安徽

十年兵火逼江關撫字殘黎孰濟艱

天子知公才可用諫臣出守詔方頒沙蟲劫重憂時甚
琴鶴裝輕去路聞七載及門尤惜別星軺無計更留攀
梁園射策仰持衡初到春明便繫情疏草敷陳徵學識
筆花揮灑擅文名門牆立雪時非暫臺閣生風念早傾
不忘粗材呈課藝烏絲親爲作書評

淵源學步到詞林冷宦蕭然意不禁每以正言勤策勵
恐將苦况損胸襟平生志在追蹤易函丈情多結契深
偏又一麾南去速空教桃李盼新陰

曉公峰影倚秋妍童叟歡迎五馬前治定增循吏傳
離懷重憶受知年春明敘舊征鴻迹秋臨登程落木天

卻幸鄉園得鄰近慈雲時與弋山連

贈牛礪菴傳臚

瑄

朝野重大魁吾鄉一何少固始延陵公

謂吳淪齋殿撰

清名爲

國寶若翁武狀元

礪菴尊人官名鳳山

宿衛虎臣矯君泛孝廉船

日下知名早文行兩清超筆陣益探討綾絹日求書轡

材四座繞通籍符衆情對策逞華藻羣盼筆如椽一戰

千軍埽或云一字謫竟細孩兒倒遂成第四名遠遜無

雙好人皆惋惜深我云所見小廷議尙撻伐韜略君通

曉逆會值中興經綸君素抱持以敬慎衷精神周八表

安危倚相公壯猶頌元老才練勳業優豈止十人了正

色立朝端俯臨萬億兆固知第一流不在科名草

重陽偕黃香谷儀部

殿荃

張綬珊駕部

蔭楷

張仲

美比部

彥臣

余笏文孝廉

賁山

游古龍樹館作

何處作重九城南且避尊親朋樽酒共煙樹寺樓高客

緒秋同澹吟情醉更豪蘆花吹似雪寒色滿平皋

香谷紀游

句云風度雨張緒文章一李翱友如余子玉我愧柳儀曹附識於此

偕黃漱蘭

體芳

李苾園

端茶

陳紫蓬

振瀛

張瀛三

鵬翼

諸同年會課於謝公祠之一琴一硯齋

御試翰詹將舉行儒臣稽古何其榮職在拜颺習詩賦
不比尋常染宦情江西奉祀謝文節讀公本傳實鈔鈔

茲到祠堂敬展謁清高遺像肅軒楹貽留法器不可見
一琴一硯圖斯成號鐘琴承小白舊賣卜硯同玉帶生
作室覆之示鄭重長隨俎豆光晶瑩此琴當日入公手
清風習習寒泉鳴一彈慟哭崖山浪再鼓難爲瀛國廢
此硯當日藏公篋墨光熊熊石交貞提刑判牘邁龍尾
却聘答書磨鸚睛程元海豈稱知己曹娥碑敢較齊名
痛惜平章蟋蟀闕坐看氣數蝦蟆更琴硯何能支大厦
絕粒奚救天水傾藉以爲題寫胸臆是日卽以一琴一硯
齋爲賦題我
生何幸逢昇平橐硯儲爲應制用侍班待聆虞絃聲

九月十六日隨扈東陵敬紀十首

萬壽恩科舉孝廉

咸豐九年舉行恩科

龍升無計得攀髯奉

安鉅典隨行禮

各衙門派員往行禮臣樂與焉

新見今

皇羽衛嚴

出門先指潞河濱繞道通州更問津薄笨往來旬日路

秋深珍重歲寒身

千騎雲隨萬乘車御營燈火眾星如玉堂署獨無行帳

各署有帳篷翰林院無之

自向山農賃屋居

旅館遲留馬蘭峪前朝將帥此防秋

東陵禮部衙門爲前明戚繼光帥府

應官不覺來邊塞當作中原攬勝游

羣巒環拱建新陵傑構層霄萬象增不解堪輿知王氣

千秋祀典肅嘗烝

移開雉扇駐鸞旂近接

天顏咫尺威目覩龍行與虎步往來黃幄爲更衣

九重親奉

兩宮來合祔隆儀已備該

二十五日奉安禮成

十一年中宵旰惕

長留舊澤徧埏垓

禮行虞祭始終虔敬慎微衷戀几筵略盡臣心無萬一

朝衣策馬下高巔

近陵均無車路

馳驅習慣欲忘家跪拜循章等級加南望高堂書早寄

鸞鸞章服漸增華

行禮各員照章賞加一級例請六品封典

長途短晷戴星奔舊路回鑾萬馬屯怕與朱輪爭道路
自尋別徑赴津門

至天津謁外祖賀雲樵封翁

治平

墓

母未歸甯四十年松楸夢想輒縈牽何期間道來津淀
愧少餘財置墓田親串留賓連日醉

母兩妹一適宮氏一適宋氏均在津

子孫游宦幾時還

星槎二母舅官四川劍州

西江憶授髫齡讀

外祖先後

至九江府上高縣予皆從學

尙欲徵文爲表阡

還京至張家灣大風

昨日單車發楊村雨後清氣盈乾坤今日就道衣尙溫
大風驟起煙塵昏始猶峭冷逼朝暾繼乃狂飈驚客魂

蜷縮車箱蝨處禪僕避道旁凍鴟蹲布被壓簾勢仍掀
縛帶加以兩手捫禦寒苦無酒一罇吹沙入口那敢吞
羸驂亦望歸故屯不須鞭策卽狂奔異二飛揚妄自尊
似忘咫尺近天闕風塵熟習何足論鵬搏欲擬北溟鯤
日行一百一十里舉頭望見朝陽門

哭座師李文清公

朔風凜冽墮星寒老去臣心盡化丹身後爭傳

天寵渥生前都作古人看賢勞太著精神瘁出處如斯
晚近難海內同聲哭公輔及門倍覺淚汎瀾

年少清名振紫臺星輶載石嶺南回

公督學廣東日最
陋規裁革殆盡

難函丈談經日更作中原禦侮才

公主講河朔書院賊至有諷以武城故事

者公曰曾子未爲人臣也乃親督勇拒之晚節讀書期實用大儒報國具通

材林泉廿載憂時苦四顧河山慟劫灰

帝念蒼黎詔起公九遷異數愜

宸衷大臣先整清源治上將纔成破虜功司馬聲名中

國望武侯謹慎一生忠緣何剛復昇平局倉卒騎箕返

碧空

回首程門訓語宣敢忘苦鍊腳跟堅

師嘗誠以爲學須耐苦腳方立得定

哀榮身已無微憾殯殮資猶出

賜錢樞密顯官家轉累本朝道統力能肩傷懷披讀遺

書盡

公著有志節編等書洛學心源共此傳

聞笙堂弟入泮

昔督詩書課今爲弟子員采芹如我晚

予與弟均以貢廿三歲入泮

米仗君賢志漫酬弧矢心休厭簡編秀才天下任愛惜

此青年

羅輔臣表兄

銘鼎

揀發貴筑縣典史賦此送行

容易爲仙尉投艱到鬼方藍翎冠自好青眼鑑非常

買筠

堂相國以貴州軍務未平見輔臣戴藍翎遂得與揀

漢水同遊幕潢溪獨返鄉何

時癡夢踐吾亦慰高堂

君已未元旦夢見子家榮載在門以告家大人詫爲鄉薦兆或

云一第尙不足當此

丙寅元旦

又結屠蘇一醉緣
輭紅瞥眼到新年
窮愁累我書難著
風雨懷人夢未圓
薄宦漸銷湖海氣
貧交猶羨大羅天
故鄉烽火音頻滯
盼斷飛鴻意渺然

劉南卿給諫

毓枬

招同毛煦初侍郎

飛鰲

張瀛三

編修張仲美比部游天甯寺索詩卽贈

春晴塵滿市結伴叩禪關
始覺諸天靜同尋半日閒
老

僧解延客高阜當登山

塔射山房寺最高處

獨惜英靈遠清風不

可攀

是日送李文清公靈輜於廣安門外至此小憩

談讌聯鄉誼耽幽此駐車
都城多佛寺景物肖山家
僧

隱前朝字園留隔歲花主人詩興健索句采芳華

二月得家書喜笙堂弟生子

盼汝添丁久開緘一笑時藏書都有色顧我尙無兒臘
尾春偏早兒生於年前已立春親心喜可知青衫共文祿輝映總

相宜

四月十四日夢見兩狼行空中捕飛鴉一獲一否

不識何祥醒紀以詩

情憐繞樹依烏鵲志喜彎弓射白狼豈有貪心思搏擊
翻因夢境欲張皇並驅揖我知非美札闥隨人祓不祥
走者騰空飛被獲世途何處判低昂

僕李貴求詩作此勞之

浣衣炊飯往來頻
百務勤勞併一身
霜雪凍僵轅外影
風沙吹滿帽沿塵
磨驢陳迹甘依我
裘馬鮮華不羨人
何日歸田吾共汝
溪山相伴迹彌親

反游仙詞十首和李鐵帆太守作

前身共住大羅天
仙李同根不計年
握手與君下塵世
漫從碧落話因緣

君更珊珊骨相奇
朝天五馬好威儀
而今休再飛昇急
且爲蒼生駐幾時

風埽潢池濁浪開
家傳功破蔡州回
羅胸星宿知多少

肯讓雲臺擅將才

楊枝奚羨白司馬紅拂新來侍衛公
應念天台仙眷在梁園花瘦盼春風

玉京游徧玉堂居僥倖仙緣願不虛
何必瑯嬛引魂夢竟登中祕讀藏書

換骨空傳九轉丹年來米價貴長安
諸天拍手休相笑飽喫黃梁飯本難

歷盡滄桑曲折途十洲境界易荒蕪
桃源尙覺風濤險閒坐潢谿舊釣徒

清才終數上清班仙牒還餘棄未刪
作賦殿前人一笑

蓬壺中亦有孫山

津沽相約泛蓮舟笑指三山續舊游相近莫教風引去
水痕淺似昔年不

同別淮流又幾春春明同步軟紅新一齊拋却游仙枕
再了今生未了因

領俸米

閒官報最有何功米貴居然甕不空頒祿方知天庾富
占年總比硯田豐養生且作加餐計講學惟堪脫粟充
朔與侏儒同一飽任他問價到江東

與仲美比部同車以羸馬敝車官冷落屬對予應

日淒風苦雨夢模糊足成一律卽送其歸固始
羸馬敝車官冷落淒風苦雨夢模糊兩人都是思歸客
一世真成對奕圖識字我生憂患始率真或笑性情麤
客中幸與君同住青眼相看未覺孤

題周肖仙水部令祖貽穀山堂詩草

入手新編盥露馨如登王孟舊門庭遨遊有意搜詩料
雕琢無痕顯性靈珂里餐餘芝草秀錦囊色帶蜀山青
祇今水部傳家學一瓣濃香爇未停

送表兄胡鐵丞司馬

均

之官蜀中

燕臺文酒正班荆一棹巴江又遠行客裏逢秋偏送別

蜀中游宦例知名元龍意氣豪湖海司馬才華豔錦城
記取臨歧堅後約故園他日結鷗盟

送吳次陶別駕

福同入蜀

交游慷慨君知我書畫風流我羨君落葉催秋人易別
離筵駐馬酒初醺十年節鉞談何易五夜絲桐靜始聞
次陶善琴喜談命餘車迅發又教夢繞蜀江雲
惟子運可至興更

歲暮憶家

歸甯早與妻孥別行役遙知父母嗟相伴孤身餘一僕
竟分八口作三家寒宵衾薄和裘卧卒歲囊空盼俸加
自笑癡頑耐磨鍊太平年聽鼓聲撾

丁卯元旦

我生三十五年中勘透繁華百慮空絕口不談阿堵物
委懷姑作信天翁閒來觀物心猶累窮後吟詩語未工
傀儡登場且游戲肯教名利設樊籠

雪

玉屑撲簾旌銀沙細碎聲春華詩裏老雪色酒邊明占
瑞遲逾好澄心淨自平豐年關繫重天意惜蒼生

卽事

新春拜賀難休歇名紙紛紛到眼紅閉戶未知車客過
司閭僅賴館僮充無關禮數沿成例何事馳驅效賤工

更有替人投刺苦

都城有遣人代拜者

可憐習俗尙圓通

思歸

歸夢江湖闊，羈愁歲月深。
詩枯惟近體，官鈍有遐心。
誰賞焦桐爨，人憎躍冶金。
雙親添白髮，吾欲返山林。

讀史忠正公

可法

集題後

邦溝廢壘景荒涼，血灑河山淚萬行。
暮氣斷難延國運，答書猶冀復全疆。
曲翻燕子天胡夢，葉傍梅花土更香。
四鎮猜疑權相忌，依然鐵石鑄肝腸。

公嘗謂其師左忠毅公肺肝皆鐵石

所鑄造也

黃香谷曾夢見題壁詩云：寥寥天地亦荒蕪，兵到

危城勢更孤萬里飄蓬悲骨肉十年夜雨泣頭
顱山河未變雄圖改草木無情戰壘枯醒後惟
末聯忘之僅記爲呼字韻而已幻由心生理難
索解而香谷平日詩格頗不類此殆非託詞因
次其韻亦搜神志怪之遺意也

蕭森兵氣黯平蕪夢裏詩魂出塞孤鬼哭沙場風弄影
尸橫泉路雪埋顱青燐抱雨僵難死紅柳飛霜骨易枯
幻境浮生誰與覺怪禽背月屢悲呼

贈李鐵帆太守

九邊風信冷征袍今雨相逢意氣豪按部定銷龔遂劍

論功還佩呂虔刀臨淮壁壘勲名舊出塞詩篇格調高
南顧大河烽火急期君露布早飛毫

枕上聽雨憶弟在汴梁閨中

雨勢來何驟虛檐溜欲奔秋聲寒到枕急點碎敲門水
氣沈燈影鄉心寄酒痕梁園初作客大被幾時溫

王銘軒大令

幹勳

下第邀飲並游憫忠寺

寂寞黃花酒一杯愁城揮去醉鄉來長貧坐識之無字
遠志何須小有才殿角燈昏斜月上樹頭日落亂雲開
秋風瑁瑤尋常甚聲價終登市駿臺

仿潛齋詩鈔卷七

餘園集

光州 李嘉樂 憲之

輓表伯陳隨菴少尉

老輩風規渺斯人齒德尊胡爲珍碩果亦復謝塵樊宦
蹟湘江冷清名洛社存料增身後憾家事不堪論

未僚爭氣節先子訂同儔官檄時分轍琴尊老共酬夜
臺今作伴歲月太如流感此摧胸臆蒼茫莫寫愁

握別情如昨心驚噩耗催歸鞭傷伏處執紼際重來巍
第曾期我良姻爲作媒記趨文酒召寂寞舊亭臺

方寸叢憂患廬居久輟吟生平重知己慘淡託哀音夢

涇三年淚神交兩世心佳城蔥鬱處楸檟暮烟沈

餘園八詠

丁卯秋先君子下世奔歸輟吟已巳除服期近
於庭畔作假山植花竹額曰餘園分爲八景各
系以句

竹林玩石

無竹不可居得石快有餘礪我堅貞性心學此君虛

松塢品茶

直榦未參天虬枝先絕俗茶香泛滿甌濤聲斷還續

繞砌叢蘭

入室不聞香藝蘭滿曲院莫便近深山孤芳少人見

穿籬雜豆

鹿眼一何疎豆莖爲補密豈真解攀援所寄乃勁質

庭柯宿鵲

胡不爲巢計頻年棲此庭識得忘機意鵲兮毋乃靈

澄水游魚

缸面境無幾作濠濮上觀我本知魚樂因之隨遇安

綠陰曲逕

雖少澹臺行終殊終南捷迂作之字形碧陰互相接

赤字懸崖

石潤易受墨揮毫字猶新搜訪剔苔蘚千秋應有人

攜鎬姪詣唐氏園觀牡丹

韶光花事兩蹉跎爲訪天香偶一過自昔園林觀世變
從知富貴得春多

書懷

移竹栽松更種花花闌干接竹籬
色多情魚鳥都堪伍
大好園林況是家客寄新詩催賭韻
僮儲落葉待烹茶
明年此際知何處雲海蒼茫感歲華

哭妹倩方果齋明府

別纔幾日夢頻頻噩信飛絨竟是真
性極和平偏損壽

生多憂懼易傷神文章磨鍊能超俗世事圓通亦絕倫

丹桂一枝花滿縣蒼天草草了斯人

果齊辛亥孝廉奉天知縣年四十卒

四千里外閱風烟致疾何因語未傳曙後星孤餘一脈

山中雪滿臥多年

服闋後按家居不出

臨民判牘常開網好客傾

囊不愛錢弱弟含辛遼海去桐棺猶寄異鄉天

今弟赴遼迎柩

偕笙堂弟遊塔院

策馬斜陽裏來登選佛場畫梅僧略雅畝石寺全荒樹

抱春烟暝花催暮雨涼梵音靜人意小磬韻悠揚

題周星槎畫蘭

花稀葉瘦正無妨兩岸山開萬箭香添箇采蘭人泛舸

揮豪應已夢瀟湘

秋蟲

趨炎未了忽逢秋
鑽刺難忘口腹謀
酷吏罷官心更毒
神奸末路利窮搜
慣依屋角終朝暗
漸覺雷聲向晚收
團扇一般捐棄感
世人原不辨恩仇

題劉伴阮源畫冊

柳洲布衣清且閒
其書與畫類可傳
鑒賞日多精辨古
搜討墨妙到時賢
昨朝示我琳瑯冊
未及開卷便覺蕭
蕭風雨寒種竹不
如畫竹好印本幾
同真本妍作手賢
何人國朝劉猿仙
題者雲帆子藏者
崇虛禪兩人乃是

吾鄉儒釋中巨擘物聚所好非徒然篇幅計得卅四紙
畫師距今百餘年筆所未到意已到縱橫揮灑幻風煙
有時巨節破空竦驚看臥龍飛去雲濤翻有時點綴數
片葉亦復細碎入妙如拂蒼翠斑畫梢仰睇鳳尾舞畫
根俯瞰蛟脊蟠具大神通作狡獪萬籊森森寒綠个个
次第沁心肝未知追逐子瞻與可諸公後不分時代孰
爲先我有餘園新結構暇亦手栽十數竿偶然覩此詫
奇極枝枝葉葉青琅玕吁嗟平傳人僅傳畫畸士已心
酸讀畫如讀史筆法勿爲瞞思欲留之永寶貴易以贗
本愧無米家船思欲歸之藏蕭寺又恐蘭亭賺去無人

還轉念寶物海內所共寶據爲己有母乃偏予取予求
誠癡絕楚得楚失奚擇焉但學衛公北都法日日遣報
稱平安莫似甘露方竹杖忽加以漆規之圓更須高手
善會意雙鉤上石細雕鐫工成摹印千萬本公諸同好
翰墨綠披閱終身與之化師此虛心勁節揭地而掀天
長歌一紙紀所見質之張君如何言

次日雜題

成竹在胸中振筆追所見大節自家知示人只一半
綠文千个萬个青影一竿兩竿不共斜風亂舞留將正
面人看

不靠青山卻靠誰板橋語與此君宜要知一段堅貞性
也賴虛心爲作師

綠卿巨節仗盤根寫出千霄意態尊雨葉風枝徒嫵媚
千秋深惜趙王孫

良材爲世用零枝翦除急竹性則不然蕭騷葉互集譬
請賢公卿整躬操特立以下諸名士小德每出入惟其
天性真故與直率習晚近趨汙下邊幅尚修緝甚且縱
嗜好一瀆難收拾恕菴解此因走豪揮墨汁規矩出神
明紛披寓層級風似吹有聲筆乃迅所及雜亂非無章
碧烟相呼吸墨妙未盡宣下有龍孫蟄

題錢廉齋

選一

詩冊

又從詩裏結因緣到眼丰神入手編似此才猶艱一第
聞君名已隔多年風懷自寫剛如我意氣能平不問天
相見何遲別何早錦囊應復寄幽燕

庚申游地藏菴題有劫火愁仙佛未幾寺遭賊燬
真有詩識說耶已已重遊王院者已葺新其半

喜紀以詩

碧紗散失舊詩章寺影依然倚夕陽一炬佛真愁劫火
十年我亦閱滄桑重修梵宇徵平世願祝慈雲庇故鄉
俯仰吟懷健如昔白頭僧莫話興亡

葉望廬封翁年九十一陳香亭姻丈年七十三周
蓮湖師年六十七家嚴三若齋兩叔祖一七十
八一七十一予偕弟觴之於餘園作五老歌

餘園樹色搖新翠婪尾春濃花影麗主人好客兼好奇
厭隨裙屐共遊戲折筴往迓老成人五客三百八十歲
旁觀疑詫降仙真南北城中集靈瑞首惟葉公近期頤
揮豪落紙雄文肆陳君驚座老而傳周子愛蓮又其次
祖輩同懷尙兩人都過七旬形容晬予偕弟操几杖從
敢援末坐溫公例高年相見意相親笑說五朝以前事
敬聽直同讀古書一編細辨周秦字衰顏未覺如凍梨

兒齒依然能決截五老自敘生平遊少壯曾將職官寄
或善岐黃或授經醫國育英受其賜行蹤日下與嶺南
各吐胸中風土記杯酒徐傾談轉豪滿園竹石添生氣
白頭依戀夕陽紅扶上藍輿俱半醉偶爾居家宴客場
無心寫出昇平世山城此會豈尋常傳到他年恐難二
諸老非矜導養方和平自得壽而熾撫躬我亦最癡頑
此座或能相代替

次日招葉寓齋梁錦堂王鶴樵三觀察飲并賦

昨延五老又三公林下琴尊趣略同都爲小園增故實
舉帷扶杖總清風

柬張柳洲

小園秋漸老景物未荒涼蔓引綠登屋竹穿青過牆天
晴菊花長霜重木瓜香酒友如相訪柴關敞夕陽

園中飲酒作

肯放秋光去荒齋靜掩扉甕頭家釀熟籬角豆花肥舊
雨來何暮長安夢漸稀多情只明月還照酒人衣

贈菊呈周蓮湖先生

當代陶彭澤高懷比昔賢願師珍晚節與菊共延年花
亦春風坐枝都秋色鮮採芹占繼起

世六兄來應試

黃雪影同

妍

再柬少蓮

幽姿冷豔簇籬根秋末移栽老瓦盆何幸如余親絳帳

莫教依舊做柴門

少蓮近作縣試詩有依舊做柴門句

耐將春夏香纔久

鍊向風霜骨自尊才士不須怨遲暮攜文過我話黃昏

附少蓮和作

君從仙李茂同根我尚田家醉瓦盆韓圃晚香開客
座漢儒經學重師門流傳斷句人猶憶奔走名場品
未尊感舊吟秋詩甫就片雲催得雨窗昏

送陳澍農歸信陽隨其叔湘浦太守赴荊州任

登龍久已識荊州小阮清才侍宦游江水布帆尋舊夢

弋山雲物動新愁。祝君此去吟懷健。別我誰將酒債酬。
十載論交幾離合。那堪歷歷計從頭。

贈崇虛上人

近日爭傳懷素字。昨朝重到遠公廬。十年小別鬚眉古。
半畝新開水竹居。僧有名心詩更進。我無仙骨酒難除。
何時都打蒲團坐。悟徹中宵月影虛。

謝王鶴樵觀察惠紙墨用贈廉齋前韻

題襟漢上共前緣。爲羨從戎棄簡編。

予自丙辰歲觀
索於漢陽戎幕

中

外分途馳宦轍。家鄉小住感華年。相期勲業酬他日。其
奈離懷悵各天。楮墨臨歧頻賜贈。盼君入覲更遊燕。

郊行

秋色漸蒼涼
秋懷轉渺茫
鴉聲爭遠樹
馬影淡斜陽
景熟題難就
村深路易忘
勞筋何日息
泉石興彌長

送翰臣兄之廬州

單車纔自返
淝津又著征衣
走雪晨微利
君因家計累
來春我亦宜
游人故園小聚
偏逢別昆弟
中年倍覺親
臘醖滿尊留
共話莫將瑣事
滯歸輪

游寸園悼馬杏逸先生

先生工青囊
術結廬州城
東偏雜蒔竹
樹尤善種菊
花時易酒醉
輒吟小詩自
遣嘗作車戰
圖

說及文昌化傳奇警世蓋有心人隱於市者晚
年患臂書用左手而縱飲健談如故余向識之
前歲自都中歸先生已下世訪其居孫出延客
仍業醫護視遺書及手植物惟謹慨老友之忽
終喜善人之有後感成一律告慰九原

話別翁猶健重來竟愴神孤孫抱遺橐舊業習清貧泥

壁詩還在

友石師贈詩
黏壁上已破

霜皋草不春寸園松盡老太息

種松人

送周蓮湖師解館歸里

詞場追逐宦場馳悅服中心只我師文字每深知已感

科名預許布衣時貧能安命真超俗老尚多情喜詠詩
三世論交原誼重何堪賦別又臨歧

程門立雪溯前緣回首慇懃十五年愛我詞章爲傳誦
處人骨肉費周旋生平足列儒林傳奉養欣逢後起賢
他日歸來重造訪好隨杖履適林泉

餘園卽事留別友人六十韻

盛世和聲集同儕韻事新詞壇兼酒國殘臘到初春此
會樂何極吾鄉誼最親論文投夙好話別悵芳辰賤子
平生憶先公訓誨遵經庭詩勉學蠹簡歲常陳授讀開
資鈍延師曷氣純公餘催弄翰雅集命留賓日與英豪

近才從獎勸伸玉堂倖身貴錦字效眉顰雲鶴仙僚聚
風騷妙境臻醉吟燕市月遊勝曲江濱每念家山侶難
忘香火因無端遭厄運長慟折靈椿歸里愆叢積居廬
語輟呻三年悲釋服八口耐居貧勝事承先志聯歡篤
舊姻文章關氣節師友互陶甄有弟填簾奏尊賢矩矱
循商量新課約會合眾才掄折東城中路升堂席上珍
邀成文字飲笑謝綺羅身姓氏喧通國風流效塾巾才
高一丁廩丁君情重兩汪倫惠波敬軒昆仲穎士文無敵蕭君
義之筆有神王君更招金馬彥鄭小山同賦豔陽晨羣
季從遊慣吾宗嗜好均交朋情切切鄉黨意恂恂城隔

聲勞屐

子元兄在處隔城日凡兩至

編吟味飲醕

子貞兄有事未入社取課稿吟諷竟

日解裝忙補作

昂軒叔赴信陽翰臣兄赴廬州歸後皆續作

具食代輸縉川

叔曾出資都是同根李誰爲五色麟材輸三鳳薛族遜爲排課餐

八龍荀主客齊分席吟哦各擁茵笑談欣結契弟子願

親仁拈韻成叉手傾杯勸入脣暢懷傾綠螳鮮膾剖朱

鱗數典書藏酉登盤味薦辛座圍爐火煖籌紀罰觴巡

款戶佯常至傳箋例屢申催詩如索債行樂仿吹豳歲

暮猶揮管秋深不憶蕤梅纔香馥馥桃漸葉蓁蓁典盡

諸君倦風規老輩振小巫多駭服大雅共扶輪北海開

尊暢南車導路頻關心緣敬梓校卷每傳薪梁苑招詞

客徐陵出侍臣

謂梁錦堂徐健堂兩太守

葉公龍篤好王導塵揮塵

謂葉窩齋王鶴樵兩觀察

開徑都如蔣精廚不讓郇優游林下樂接

引箇中人豪氣超千古吟朋訂十旬自予謀創始獲此
德爲鄰燕樂從頭數驪歌到耳瞋西窗猶燭影南浦卽
橫津回首戀同社高懷愧隱淪豬肝行旅困鴻爪雪泥
湮遠別幾時會前程何處詢便如千里馬孰是九方歎
攀柳辭珂里乘槎近

帝闈贈言還錫我歧路定書紳

卽事

久效澹臺徑不行偶登宰室爲蒼生十年兵火財難聚

百姓脂膏法易更善積帑錢須有術欲嘗龍鼎已無爭

貞珉勒就先靈慰常備儲胥護兩城

先君歿後撫守禦局餘錢五千緡有

冀之者爲請於官發商生息仍備守城用

葬先父於沙河店祖塋禮成志痛

封成馬鬣作新阡一慟無從侍九泉
葬禮始成除服日餘生遂少報恩年
才疏良治喪難學名小龍岡表不傳
欲爲慈闈營祿養遠游霜露倍淒然

四郊銅馬送干戈晚歲精心擘畫多
桑梓待陳新俎豆崔苻無害舊山河
森嚴樓櫓垂成法感動鄉閭洽太和
負土豈惟家祭慟滿城遺愛尚悲歌

里人呈請附祀鄉賢

夏閒傷寒病劇夢入向子詠曰衝斜風飛過峯頭
帶細雨回轉揚州斜風細雨全消受意似詠燕
而不知所謂補紀以詩

養疾難忘十載前沈疴今又壓災年是誰入夢誇新句
字字清吟到枕邊

此身不化揚州鶴十萬腰纏俗慮空只願補貧天與健
一生消受雨和風

馬背船唇北又南蒼茫野景客懷諳紅裳或是心神現
隨我飄零訴不堪

語似相憐意似嘲人如秋燕別街茅尋常百姓家都好

何必天涯再定巢

蕭慶峯話先君子守城遺事

連歲隔親闈不知故鄉事有客爲我言險阻盡嘗試吾
州楚皖交髮捻日窺伺里閭累卵危先人始奮袂民同
甘苦情城與存亡誓四隅建礮臺萬堞空外蔽賊來不
得登猝發輒受制乙丙兩年冬狂寇如期至內應將啟
門奸民起橫議土人誤殺兵客軍慣恣肆一一布至誠
時時申敝備反側始自安盡出囊底智諸難甫削平風
雪寒爲厲遺黎凍餒多煮賑饒經濟兼籌食與兵我衆
得不斃徹夜曉未交積勞神先敝一朝病遂深四方心

都憐婦孺祈禱哀天胡不予界公歿有遺言賊亦難再
熾果然近安堵萬全出不意始悟天生公桑梓命所寄
願報以馨香象賢祝後嗣感客非諛詞吟詩代作記以
俟太常徵先從家乘識

己巳除夕

樹罷屠蘇歲暗更全家歡聚最關情三年轉盼逢初服
一病垂危算再生詩草無多編集易鎗花有喜照窗明
綠波南浦春還早不許兒童問遠行

庚午元旦

宇翦宜春紙始紅故鄉小住又東風忙中度歲行將別

窮後吟詩尚未工老母萱榮欣日永貧家米貴祝年豐
玉堂招我還天上不比江湖歎轉蓬

和梁錦堂姻丈招飲原韻

上林栖樹伴宮鴉生計歸來淡畫叉賦我小詩開白社
羨公晚節種黃花興豪折柬新招客老去耽吟舊作家
話別春盤拌一醉杏村莫惜酒頻賒

上元

今年又看上元鐙人海聲喧火樹騰終遜梅花窗外月
引來詩味冷如冰

連宵兒女笑聲稠小隊魚龍肖泳游燭影搖紅光一串

家庭瑣事最風流

呈黃新甫外舅卽以告別

又袖新篇謁畫堂黃山谷漸得津梁翰林體制尊前輩
詩學源流接壻鄉小別輒愁添老境不才何事逐詞場
林泉依舊書生習爲度金鍼喜欲狂

先君附祀鄉賢得請奉主入祠會者甚衆謹紀

盛朝俎豆重人品論定蓋棺益詳審鄉望官箴兩弗虧
容臺疏上方如請先子家居十載餘惡氛烈燄紛災眚
敢因解組墮公忠終夜枕戈日申警鬼簡鄉兵寢以強
討論軍實使之整江淮賊屢襲名都斗大山城不得逞

百里難民奔求生安排樵汲仍同井禾麻樂土南北無
欲得甘心寇數騁力竭九攻賊勢衰嘔心違惜桑榆景
藐躬盡瘁忽焉殂賊亦從茲不入境梓里感之請祀祠
乃知遺愛真難泯怨家醜正豈能無沒齒口緘愜平允
是日傾城送萬人紙錢尊酒多寒窘禮成含涕謝鄉鄰
公等非私情可領似此盛情報亦難象賢惟有嚴三省
既安栗主扶輿還一路餘香溫寶鼎

任樂如州牧

愷

餽贐不受

孤寒常恐受恩深傾蓋偏逢愛士心明志敢留茶一串
定交不在餽兼金豬肝累尹塵生甑馬首登程雪滿襟

我笑矯廉陳仲子徒將無用率儒林

別餘園花木竹石

小園剛得半年間又聽移文向北山此後春明風雨夜
定從三徑夢鄉關

一樹頻羅蔭小窗清芬隔紙襲銀釭茶甌放下渾無事
月影中摩石筍雙

新栽紫竹未成林已有秋來滴露音待二十年還故里
清風與爾證知心

春暉未報著征袍遠道風沙敢告勞只祝北堂萱影茂
一庭松石壽同高